



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Martini Martinii Tridentini E Societate Jesu Sinicae  
Historiae Decas Prima**

**Martini, Martino**

**Monachii, 1658**

Vigesimustertius Imperator Lingus. Imperavit annis XXVII.

**urn:nbn:de:hbz:466:1-11848**

## VIGESIMUS TERTIUS IMPERATOR LINGU S.

Imperavit annis XXVII.

*Cycle 36. anno  
27 ante Christum  
sum 571.  
Barbarus in-  
fans.*

*Amica fra-  
trum pugna,  
uter accipiat  
regnum.*

**L**INGUS KIENI filius cæsarie barbaque promissa in lucem editus esse fertur; spiritualis sive intelligens ex merito dictus. Et enim eo imperante multa inter reges bella exarserint, remque publicam varie miscuerint; virtute tamen ac prudentia ita imperij statum composuit, ut nihil de imperatoriâ majestate, nihil de provincijs decederet.

Anno hujus Imperatoris undecimo mortuus est rex U XEUN-CUNG IUS, cui CHUFANUS ejus filius invitus atque coactus successit. Quippe sceptrum omni contentione recusavit, cupiens illud in LICHIAU M fratrem natu minorem transmovere. Sed hoc ille naturâ sibi non debitum causatus eadem constantia rejecit, quâ offerebatur raro stupendoque potentiae contemtu, quæ plerisque per ignes ferrumque appetitur. Quid inde factum? ò certamen Christianis dignum! CHUFANUS fratrem pervicaciter fastidientem regnum, per vim in regiam introducit, & regiæ vestis insignibus adornatum regem salutat. Sed LICHIAU & regno & patriâ desertâ fugiens, in agris delituit & rusticatu, plus aratro gaudens, quam sceptro. CHUFANUS ergo, postquam nulla tergiversandi amplius patebat via, in subditorum denique potestate fuit, prorsus invitum ac nolentem quasi jure suo regnare jubentium. Ut nesciam in sceptrisne spretis, an ita captis major insit gloria.

Vigesimo primo quam LINGU S imperavit, anno, qui ante vulgarem Christi epocham erat quingentesimus quinquagesimus primus, natus traditur in provinciâ, cui XANGTUNG nomen, magnus ille Sinarum Philosophus, CONFUTIUS, nunquam à suis satis laudatus; instaurator & explicator literatorum sectæ, quæ una de tribus est apud Sinas nobilior. Sed de hoc ejusque doctrinâ multa dicemus infra.

Quod autem suprà regnum CI à fratribus turbatum diximus, ij omnes varijs bellis ac bellorum inclinationibus interiere: in quibus nonnulli

nonnulli è praefecturis nullius favore fulti, ad regnum prodierant, va-  
riâ & inconstante fortunâ. Unum tamen excipio è C I regis stirpe, ad  
quem sub initia hujus Imperatoris regnum quidem redijt, sed immi-  
nutum, multisque partibus labefactatum. Vigesimo autem ejus anno  
C H O A N G U S regnabat. Is nondum penitus extinctâ perduellum  
audaciâ, ab eisdem interiit, ministro cædis C I O C H O illius Præfecto,  
regnum occupante. *Historicum ob  
veritatem neg-  
catus.*  
annales retulerat, necari jussit; eandemque ob causam duo illius fra-  
tres morte multati. Optabat perduellis memoriam sui facinoris po-  
sterorum subtrahi notitiae; sed contrâ accidit. Non enim defuere, qui  
codem tempore non proditionis modò, verùm etiam tyrannidis  
ipsius historiam contexerent. Hinc in scriptorum cædibus inanem  
operam sumere se videns, imò crimen suum augere; illos persequi  
desit.

## VIGESIMUS QUARTUS IMPERATOR KINGU S.

Imperavit annis XXV.

K INGOLINGI filio imperante II rex Australis, cùm optaret  
penitus subjecere se imperio Sinico, ejusque leges ac gubernan-  
di rationem cognitam habere; in XANTUNG ad Lu regem  
legatos mittit, qui studerent inibi familiæ CHEVÆ musicam perno-  
scere. Nomine musicæ, quæ penes reges & familias imperatrices esse  
dicitur, intelligunt Sinæ gubernandi leges, ac modum, qui tum bene  
se habet, cùm omnia, velut in bona musica, inter se congruunt; sed  
& ipso modulos, quos coram rege decantare soliti, musicæ vocabulo  
designant. Illis enim leges & statuta confinebantur, ut vel inter-  
cantandum reges, quæ sui muneric, addiscerent. Nam quia non fa-  
cile studijs ac labori se dant; à Sinis ita docebantur, ut etiam abhor-  
rentes eos delectaret discere, quo pacto suos cives gubernare debe-  
rent. Et sanè nihil magis in rebus humanis optandum, quam bona  
subditorum gubernatio; propter quam solam reges sunt, vel esse de-  
bent. Causa verò missæ legationis ad L U U M potius, quam ad alios,  
*Cycle 36. anno  
54 ante Christum  
Bum 544.*

*Musica nomi-  
ne leges appela-  
tata.*

Q 3

erat,